

1. Эргаш гапли кўшма гаплар хакида назарий маълумот.
2. Эргаш гапли кўшма гаплар таснифи.

Маълумки, эргашган кўшма гапларда икки ёки ундан ортик содда гаплар ўзаро хоким-тобелик муносабати оркали боғланади. Эргаш гап бош гапга тобе боғланиб, бош гапдаги бирор бўлакни изохлаб келади. Бош ва эргаш гап грамматик ҳамда мазмунан жипс боғланиб, яхлит бирликни ташкил этади ва умумий бир фикрни ифодалайди. Улар ўзаро феълнинг амалий шаклларининг кўлланиши (турли грамматик воситалар билан бириккан сифатдош, равишдош ва шарт феълли), ёрдамчи сўзлар оркали муносабатга киришиши айтилади (Абдурахмонов Г., 1996, 185). Эргашган кўшма гапларнинг гурухланиши эргаш гапнинг бош гапдаги кайси бўлакни изохлаб келишига караб белгиланади. Шуни айтиш керакки, эргаш гапларнинг таснифида тилшунослар ўртасида умумийлик бор. Ўзбек тилшунослигида эргаш гаплар мазмуний – шаклий жихатдан 14 турга ажратилади: 1) эга, 2) кесим, 3) тўлдирувчи, 4) аникловчи, 5) равиш, 6) ўлчов-даража, 7) чоғиштириш-ўхшатиш, 8) сабаб, 9) мақсад, 10) пайт, 11) ўрин, 12) шарт, 13) тўсиксиз, 14) натижа эргаш гаплар (Гуломов А., Аскарлова М., 1987, 187). Н.Махмудов ҳам эргашган кўшма гаплар семантикасини айна шу тасниф асосида тахлил этади (Нурмонов А., Махмудов Н., Ахмедов А., Солихўжаева С., 1992, 243). Г.Абдурахмонов эса уларни куйидаги турларга ажратади: 1) аникловчи, 2) тўлдирувчи, 3) эга, 4) кесим, 5) пайт, 6) сабаб, 7) шарт, 8) мақсад, 9) тўсиксиз, 10) натижа, 11) равиш, 12) киёс, 13) умумлаштирувчи-изох эргаш гаплар (Абдурахмонов Г., 1996, 191-216). Унинг бу таснифида юкоридаги барча кўшма гаплар акс этган бўлса-да, киёс ва умумлаштирувчи эргаш гаплар асоссиз майдалаштирилиб юборилган. Масалан, умумлаштирувчи-изох эргаш гапли кўшма гаплар табиати хакида тўхталар экан, у шундай ёзади: «Эргаш гапларнинг шундай турлари борки, улар бош гапга аналитик-синтетик йўл билан боғланади. Бу холда бош ва эргаш гап ўзаро нисбий олмошлар оркали бирикиб, эргаш гапнинг кесими шарт майли оркали ифодаланади. Демак, бундай эргаш гаплар бош гапга асосан лексик воситалар ва шарт майли оркали боғланади. Бу боғланиш икки томонлама бўлиб, боғловчи лексик воситалар ҳам эргаш гап, ҳам бош гап таркибида кўлланади» (Абдурахмонов Г., 1996, 216).

Эски ўзбек тилида ҳам эргаш гапли кўшма гапларнинг юкоридаги турлари кайд килинади. Куйида уларни кўриб ўтамиз.

Эга эргаш гапли кўшма гаплар. Маълумки, эга эргаш гап бош гапдаги олмош билан ифодаланган эгани изохлаб, тўлдириб келади. Эски ўзбек тилида эга эргаш гап бош гапга куйидагича боғланган:

1. Хозирги ўзбек тилидагидек, феълнинг шарт майли формаси ёрдамида: Хар ким падшах болса, йана йа|ы хазана йыгмак кер|к (БН). Хар киши т|ркич|ў айтса, бир айаг ичс|н (БН).
2. –р(-ар,-ўр,-ур,-|р) аффиксли сифатдош формаси ёрдамида: Ул чин с|зни йалганга катар, дурры саминны нажасатка атар (Навоий МК).
3. Феълнинг аниклик майли формаси ёрдамида: Хар киши ким тириклик манзылыга келибт|р, ахыр дун|а гамханасыдын кечк|сид|р (БН).
4. –кэ,-ким боғловчиси оркали: С|р|ў маълум болды ким, мужавырларны| тазвыры эк|нд|р (БН).

Эски ўзбек тилида ҳам эга эргаш гап бош гапда ифодаланмаган эгани изохлаб келган: Хар кимкэ вафа кылса, вафа тапкусыдур//Хар кимкэ жафа кылса, жафа тапкусыдур (БН)

Кесим эргаш гапли кўшма гаплар. Кесим эргаш гап бош гапнинг олмош оркали ифодаланган кесимини изохлаб, бош гапга hozirги ўзбек тилидагидек, -кэ,-ким боғловчиси оркали боғланган. Бош гапнинг кесими вазифасида hozirги ўзбек тилида шу олмоши келади. Эски ўзбек тилида эса кўпрок бу, булар, ул кўрсатиш олмошлари кўлланган. Мисоллар: Химматы вЎ гаразы ул эдиким, ул ишни камалга тегиргЎй (БН). Умид андакдурким, ушбу кўн та-ла Хисравшахны! жамиъ навкар вЎ савдары келиб, падшах куллугын кабул кылгайлар (БН).

Тўлдирувчи эргаш гапли кўшма гаплар. Маълумки, тўлдирувчи эргаш гаплар бош гаплардаги тўлдирувчи синтактик вазиятидаги лексеманинг маъносини тўлдириб келади ва бош гапга –ки // -ким шаклий воситаси оркали боғланади: Акибат а!а карар тапты ким, салтанат тажын икки ач арслан арасида койгайлар (Навоий ТМА). Иш а!а йетти ким, бизни! эл хандак йакасыгача барыб, кул вЎ дадак келтїрїрлЎр эди (БН).

Hozirги ўзбек тилида тўлдирувчи эргаш гаплар бош гапга феълнинг шарт майли шакли, деб ёрдамчиси, -ми,-чи, -ку юкламалари ва –ки боғловчиси ёрдамида боғланади. Эски ўзбек тилида эса асосан –кэ,-ким воситасида боғланган.

Аникловчи эргаш гапли кўшма гаплар. Маълумки, аникловчи эргаш гап бош гапдаги аникловчи вазифасида кўлланган, айрим сўзларнинг маъносини конкретлаштириб келади ёки бош гапдаги предметнинг аникловчиси вазифасини бажаради. Аникловчи эргаш гап кўпинча бош гапдаги предмет белгисини унинг харакати ёки холатига кўра аниклайди. Аникловчи эргаш гап бош гапдаги от оркали ифодаланган турли бўлакларни изохлаб келади.

Аникловчи эргаш гапнинг тарихий тараккиётига назар ташласак, уни узок тарихга эга эканини кўрамиз. Аникловчи эргаш гапли кўшма гаплар кадимги туркий тилда, шунингдек, эски ўзбек тилида ҳам кенг кўлланган.

Hozirги ўзбек тилида аникловчи эргаш гаплар бош гапга –ки боғловчиси ҳамда шарт майли формаси ёрдамида боғланади. Эски ўзбек тилида ҳам шундай холни кузатиш мумкин: Хажа фаланга дагы хукм болса ким, алар ишидин хабардар болуб, аларга мадаккарлыгыда таксир кылмаса (Навоий МШ). Судурга хукм болса ким, вилайат авкафыдын хабардар болсалар (Навоий МШ). Андак ривайат кылдылар ким, чумчук безгЎк болгандур (БН)

Баъзан аникланаётган бўлак шаклан ифодаланмаслиги ҳам мумкин. Лекин мазмунан у тўлик англашинаверади: Андок эшитилдиким, Астрободда оламдин ўтубтур (Навоий МН). Мазкур мисолда бош гап таркибидаги аникланаётган бўлак (хабар) шаклан ифодаланмаган. Аникловчи эргаш гап бош гапдаги айнан ана шу ифодаланмаган субъектни аникаб, изохлаб келган. Имплицит субъект андок хавола бўлаги оркали англашилиб турибди.

Сабаб эргаш гапли кўшма гаплар. Бундай гапларнинг мазмуни сабаб муносабатидан иборат. Эргаш гап сабаб воқеани, бош гап ундан келиб чиқадиган натижани ифодалайди. Бундай эргаш гапларда содда гапларнинг семантик муносабатида ул жихаттин, бу жихаттин лексик бирикмаларининг семантикаси муҳим ахамиятга эга. Бу воситалар бош гапнинг бошида келиб, сабаб холи семантик вазиятини эгаллайди. Сабаб воқеа ана шу воситалар ёрдамида натижа воқеанинг ичига қиради. Сабаб воқеа, яъни, шарт эргаш гап олдин, ундан сўнг бош гап келади. Чунки сабаб воқеа ифодалангандан

сўнг ул жихаттин, бу жихаттин воситалари билан асосий денотатнинг юзага чикиш сабаби изохлади. Шунинг учун эргаш гапнинг бош гапдан олдин ўринлашуви мантикан тўгри.

Мисоллар: Бард лафзыдын аччыгы келдир эрди, бу жихаттын а|а ташвиш бермрлўр эрди (Навоий МН). Чун сизни| табугы|ызда давлатхалыг с|зини айтурга маъмурмен, ул жихаттын густахлыг билў арзадашт битилди (Навоий МШ).

Юкорида таъкидланганидек, чун лексемаси сабаб эргаш гапли кўшма гапларда ҳам кўлланиб, улар ўртасидаги семантик муносабатни реаллаштирган. Бунда ҳам эргаш гап бош гапдан олдин келган: Ул хазратга чун равшан болуб эрди, инаор кыла алмадым (Навоий МН).

Ушбу мисолда ҳам пайт муносабатлари ифодаланган. Яъни, качон инкор кила олмади, дейиш мумкин ёки нима сабабдан, деган савол кўйиш мумкин. Лекин гапда пайт маъносига нисбатан сабаб мазмуни кучли. Чунки асосий гапнинг бажарилишидаги пайт эмас, балки сабаб биринчи планга чиқарилмоқда, инкор кила олмаслик сабаби алохида таъкидланмоқда.

Энди куйидаги мисолни кўрайлик: Ва катл истидаъсы кылды эрсў, катл буйурды (ТМА 231). Ушбу гапнинг ҳам мазмунини сабаб-натижа муносабати ташкил этади. Юкорида таъкидланганидек, ижро майлидаги феъл+тўликсиз феъл шакли пайт эргаш гапли кўшма гаплардаги содда гапларни ўзаро муносабатини таъминлайди. Лекин шуни таъкидлаш жоизки, бундай кўшма гапларда пайт мазмуни ҳам, сабаб мазмуни ҳам ифодаланди.

Сабаб эргаш гап бош гапга –ки, ким воситасида ҳам боғланиши мумкин. Бундай кўшма гапларда бош гап эргаш гапдан олдин жойлашади: Мавт маразыда тажны аны| карныга койды ким, Дарабка хамила эрди (Навоий ТМА).

Хозирги ўзбек тилида ҳам сабаб эргаш гаплар бош гапга баъзан -ки шаклий воситасида боғланади. Лекин юкоридаги мисолдан фаркли равишда, эргаш гап бош гапдан аввал жойлашади: Аёл борки, олам мунаввар. Сен борсанки, шодман хаётдан каби.

Юкорида таъкидланганидек, Алишер Навоий асарлари тилида бош гап эргаш гапдан олдин жойлашади. Демак, бош гап (Тожни анинг корнига кўйиш) нинг юзага келишига эргаш гап (Доробга хомила эрди) сабаб бўлмоқда. Нутк талабига кўра эргаш гапни бош гапдан олдинга ўтказиш мумкин: Даробка хомила эрди, шунинг учун мавт маразида тожни анинг корнига кўйди, каби. Бундан шундай хулоса килиш мумкинки, бундай боғланишда бош ва эргаш гапларнинг ўринлашуви эркин бўлади. Кайси гап таъкидли ифодага эга бўлса, сўзловчи учун мухим бўлса, ўша денотат аввал жойлашади.

Мисолдаги асосий воқеа (Тожни анинг корнига кўйди) сўзловчи учун мухим, шунинг учун уни биринчи планга кўйган.

Шу билан бирга, сабаб эргаш гап бош гапга яна куйидаги воситалар ёрдамида боғланиши мумкин:

Негўким боғловчиси ёрдамида: Бу фурсатда Бажурны шах Мир Хусайнга инаят кылыб, Хажа Каланни тилўб эрдик, негўким Хажа Калан мусахыб эрди (БН).

Ўтган замон сифатдошига учинчи шахс эгалик аффиксининг кўшилиши, сўнгра учун кўмакчисини келтириш билан: Кабулны| дарамад вў хасылыны билмўй мундак тахмил болганы учун, вилайат хили хараб болды (БН). Баъзан сифатдош таркибидаги эгалик аффикси тушиб колган: Атасы вилайатка кириб, нечў махал саллахлык кылган учун, Канбар Али саллах дер эрдилўр (БН).

-б(-иб,-ыб// -уб,-уб) аффиксли равишдош воситасида: Бу вақеа андын йад бериб, черик

элигЎ вахима галыб болды (БН).

Шарт эргаш гапли кўшма гаплар. Хозирги ўзбек тилида шарт эргаш гаплар бош гап билан феълнинг шарт майли шакли, ўрин-пайт келишигидаги сифатдош шакли, келаси замон сифатдоши хамда тўликсиз феъл, равишдошнинг бўлишсиз шакли, ўрин-пайт келишигида сифатдош хамда тўликсиз феъл шакллари оркали бирикади.

Бундай кўшма гаплар мазмунини шарт муносабати ташкил этади. Икки ёки ундан ортик денотатив гап шартланганлик муносабатига киришади. Шаклий функционал жихатдан эргаш гап бош гапнинг синтактик курилишида шарт холи ўрнини эгаллайди: Дост висалын тилЎр болса!, ашык бол (Навоий МК).

Эргаш гапнинг предикати бўлишсиз феъл шакли билан ифодаланиши мумкин. Бунинг натижасида шарт воқеа бир қадар таъкидли ифодага эга бўлади: Хар вафага йуз жафа тартмаса!, гүнЎхкЎр-сен (Навоий МК).

Эски ўзбек тилида агар боғловчиси шарт эргаш гапли кўшма гаплар таркибида кенг қўлланган бўлиб, у шарт мазмунини кучайтириб келган: Агар шабихун барсак, қарангу кечЎдЎ киши кЎрмЎс (БН).

Агар ёрдамчиси XI асрлардан бошлаб форс-тожик тилидан ўзлашган бўлиб, то хозирги кунгача қўлланиб келаётган шарт боғловчиси дир. XI-XII-XIII аср адабий тилида оз миқдорда кўзга ташланиб, XIV-XVI асрлардан бошлаб кенг қўлланган. Бу боғловчи ар шаклида хам қўлланган: Маъзур тут ар васлы!а кечрЎк йетсЎм//нечара қылай азгына маниъ бардур (БН).

Эргаш гапнинг ўрни, чегараси ва унинг формал шаклланишида ўзига хослик хам кўзга ташланади. Маълумки, хозирги ўзбек тилида аввал шарт эргаш гап, сўнгра бош гапнинг келиши доимий қонуният. Лекин эски ўзбек тилида бош гапнинг эргаш гапдан олдин келиши холати хам кузатилади: Зеридастларга нафъ йетқур, агар тилЎсЎ! кэ, забардастлардан зарар кЎрмЎгЎй-сен(Навоий МК). Ушбу гапни куйидагича трансформация қилиш мумкин: Агар забардастлардан зарар кўрмасликни тиласанг, зеридастларга нафъ еткур.

Энди куйидаги гапларни тахлил қилиб кўрайлик: ДесЎ! кэ, таамы! зайе болмагай – йедур; ТилЎса! кэ, либасы! эскирмЎгЎй – кийдур (Навоий МК). Шаклий жихатдан олиб қаралганда, десангки, тиласангки сўзлари кириш сўз вазифасида қўллангандек кўринади. Чунки зое бўлмагай, эскирмагай келаси замон феъл шакллари кесим вазифасида келган. Лекин мазмунан олиб қаралганда, десангки, тиласангки лексемалари эргаш гаплар предикатининг бир қисми хисобланади. Киёсланг: таоминг зое бўлмагай – едур ёки либосинг эскирмагай – кийдур, деб олсак, маъно чалалиги юзага келади, шартланганлик муносабати тўла реаллашмайди. Бу гапларни куйидагича трансформация қилиш мумкин: Таоминг зое бўлмасин десанг, едур ёки либосинг эскирмасликни тиласанг, кийдур. Фикримизча, бундай конструкциялар эски ўзбек тилига форс-тожик тилидан ўзлашган.

Шарт эргаш гапнинг кесими буйрук майлидаги феъл шакли билан ифодаланади. Бош гап билан –ки (-ким) воситасида шаклий синтагматик муносабатда бўлади: Мазлумга бахшайиш кЎргүз кэ, залимдын асайиш кЎргЎй-сен (Навоий МК). Бундай шаклий восита оркали бирикиш хозирги ўзбек тилида кузатилмайди.

Шарт эргаш гап бош гапга –са эрди шаклий воситасида хам бирикиши мумкин. Бунда шарт воқеа тахмин, гумон маъно оттенкаларига эга бўлади: Андак кэ, бир аз нимЎ бевукуфрак киши кашыда окуса эрди, кЎп йахшылыкка ЈткЎрүр эрди (Навоий ХМ).

Тўсиксиз эргаш гапли кўшма гаплар. Маълумки, хозирги ўзбек тилида тўсиксиз эргаш

гаплар бош гапга –са хам, -ганда хам, -са+да, -гани билан, карамай каби шаклий воситалар ёрдами билан боғланади. Эски ўзбек тилида эса шарт эргаш гапнинг предикатлари ижро майлидаги феъл шаклида бўлади. Тўсиксизлик маъноларини ифодалашда эргаш гап таркибидаги агар, агарчи лексемалари катта роль ўйнайди. Шу билан бирга, денотатлар таркибидаги айрим лексик воситалар хам ахамиятли хисобланади. Бундай гапларда бир пайтнинг ўзида икки хил муносабат, яъни, хам шарт муносабати, хам тўсиксизлик муносабати мавжуд бўлади. Чунки «тўсиксизлик» деганда, муайян шартнинг тегишли воқеанинг юзага келишида тўсик бўлмаслиги назарда тутилади. Бунда шарт муносабати бевосита эмас, балки билвосита иштирок этади, бошқача килиб айтганда, шарт муносабати гапда тағбилим сифатида мавжуд бўлади. Агар тағбилим сифатида шарт муносабати иштирок этмас экан, тўсиксизлик муносабатининг юзага келиши мумкин эмас. Мисол: Вў камчыны агар тазйана дерлўр, булдургасын вў чубургасын туркча айтурлар (Навоий МЛ).

Ушбу мисолда «камчи тозёна дейилса, булдургаси ва чубургаси хам форсча аталиши керак» деган шарт муносабатидаги тағбилим мавжуд. Ана шу шарт меъёрининг бузилиши тўсиксизликни юзага келтиради: Вў камчыны тазйана десўлўр хам, булдургасыны ва чубургасыны туркча айтурлар.

Тўсиксиз эргаш гапларда бош гап эргаш гапдаги шарт мазмунига зид бўлган ҳаракат, воқеаларни ифодалайди: Агарчи бир нечў вақт биззарурат улум касбига иштигал кўргүзүбтүрлўр, амма ҳеч вақт назм айыныдын хали эмўс экўндүрлўр (Навоий ХМ).

Баъзан агарчи, гарчи боғловчилари иштирок этган тўсиксиз эргаш гапли кўшма гапларнинг кейинги компоненти- бош гап олдида вўле зидлов боғловчиси келиб, у компонентлардаги зидликнинг ортик эканлигини кўрсатади: Агарчи мундын бурун хабарны бир пыйада келтүрүб эрди, вўле севинчигў ек Вайс бир айда келди (БН).

Маълумки, агар, агарчи боғловчилари эрагаш гап таркибида келиб, эрагаш гаплар доимо бош гапдан олдин келади. Лекин эски ўзбек тилида бундай тўсиксиз эргаш гаплар бош гапдан кейин хам келган: Йазлар йахшы хавасы бар, агарчи Кабулча йоктур (БН).

Пайт эргаш гапли кўшма гаплар. Маълумки, пайт эргаш гапли кўшма гапларда, асосан, икки денотатив воқеа ифодаланиб, уларнинг бири иккинчисининг ичига пайт билдирувчи узв сифатида киради. Шунинг учун хам икки денотатив воқеа ўртасидаги муносабат пайт муносабати сифатида реаллашади ва бу муносабат ифодаланган кўшма гап пайт эргаш гапли кўшма гап сифатида баҳоланади.

Ҳозирги ўзбек тилида пайт эргаш гаплар бош гапга феъл шакллари, кўмакчилар ва айрим юкламалар ёрдами билан бирикади.

Эски ўзбек тилида пайт эргаш гаплар бош гапга қуйидагича боғланади:

1. Эргаш гапнинг предикати бош гапга равишдош шакли воситасида боғланади. Бундай гапларда эргаш гапда ифодаланган воқеа-ходиса бўлиб ўтганидан сўнг бош гапдаги воқеа боғланади: Вў умрини| ахырыда Нўширўвўнни Ўз орныда олтуртыб, Ўзи гўшў тутты (ТМА 224).

2. Чун шаклий воситаси ёрдами билан шаклланади. Маълумки, чун лексемаси ҳозирги ўзбек тилидаги: 1) чунки, шу сабабдан; 2) агар; 3) қачонки маъноларига мувофик келади (Навоий асарларининг қисқача лугати, 1993, 319). Шу сабабли хам чун лексемаси эски ўзбек тилида пайт, сабаб, шарт эргаш гапларнинг бош гапга боғланишини таъминловчи воситалардан бири саналган. Чун эргаш гапнинг таркибида келган, эргаш гапнинг предикати феълнинг аналитик ёки синтетик шакллари билан ифодаланган. Бундай гапларда хам асосий денотатив воқеа эргаш гапдаги воқеадан кейин содир бўлади: Чун

таъзиб шиддатыдын хардылар, ул мажмуъдын судраб чыкардылар (МК 38). Чун атфал ташыдын туйар эрди, качыб гулханга йуз койар эрди (МК 87).

Шу билан бирга, Алишер Навоий асарлари тилида -гач (-гЎч,-кач,-кЎч), -р(-ур)да шаклий воситалари хам эргаш гапни бош гапга боглашда фаол кўлланганлигини кўрамиз. –гач (-гЎч,-кач,-кЎч) шаклий воситаси билан богланган кўшма гапларда асосий денотатив вокеа эргаш гапдаги вокеа содир бўлгандан сўнг бошланади.

Мисоллар: Кайфийатин маълум кылгач, таскин таптылар ва Фируз Хурмузга таън кылдылар (ТМА 234). Тафаххус кылгач, ул иш кайфийатин маълум килди (ТМА 209).

Юкорида таъкидланганидек, мисоллардан асосий денотатлар (Таскин таптылар ва Фируз Хурмузга таън кылдылар – ул иш кайфийатин маълум кылды) тобе денотатив вокеалар (Кайфийатин маълум кылгач – Тафаххус кылгач)дан сўнг содир бўлмокда.

Ушбу пайт муносабатини –гач (-гЎч, -кач, -кЎч) шаклий воситасининг семантикаси реаллаштирмокда.

- р (ур)да шаклий воситаси билан богланган пайт эргаш гапли кўшма гапларда эргаш гапдаги денотатив вокеа билан асосий денотатив вокеа бир пайтда рўй беради, чунки, - р (ур)да шаклий воситасининг семантикаси иш-харакатининг тугалланмаганлигини ифодалайди: ВЎ кошкун салурда, тешиб ахир кылды (ТМА 220).

Хозирги ўзбек тилида бундай мазмунли кўшма гапларни боглашда _____ -ган сифатдоши кенг кўлланилади (Абдурахмонов Г., 1958, 142-146). Эргаш гапнинг предикати ижро майлидаги феълнинг эрсЎ шакли оркали ифодаланиб, бош гапга богланиши мумкин. Бунда асосий денотатив вокеа эргаш гапдаги вокеа тугаганидан сўнг бошланади: Ул ишни а|а захир кылды эрсЎ, кабул кылыб, йалгыз барыб, ул пилни ллдирди (ТМА 220).